

GAOZHONGSHENG
BI DU BI BEI
GUSHIWEN
ZHITONGCHE

高中生

主编 甘曜玮

必读必背

古/诗/文
直通车



接力出版社
Publishing House

全国优秀出版社
SPLENDID PUBLISHING HOUSE IN CHINA



高中生必读必背

古诗文直通车

主编 甘曜玮



接力出版社
Publishing House

编 者：甘曜玮 方 玺
黄宗智 陈国荣
陈科任 谢有息
陈宗惠 欧厚君
陈家泰 施梁显

高中生必读必背古诗文直通车

出版人 李元君

接力出版社出版发行

(地址:广西南宁市园湖南路9号 邮编:530022)

玉林正泰彩印包装有限责任公司印刷

开本:787毫米×1092毫米 1/64 印张:1 字数:20千

2006年11月第1版 2006年12月第4次印刷

ISBN 7-80732-308-6/G·152 定价:2.00元

如有印装质量问题,可直接向本社调换。如发现画面模糊,字迹不清,断笔缺画,严重重影等疑似盗版图书,请拨打有奖举报电话。 电话:0771-5849336 5849378

目 录

第一册

1. 邹忌讽齐王纳谏 《战国策》(1)
2. 劝学 《荀子》(3)

第二册

3. 过秦论(节选) 贾 谊(5)
4. 兰亭集序 王羲之(7)
5. 归去来兮辞 陶渊明(9)
6. 师说 韩 愈(10)
7. 阿房宫赋 杜 牧(12)

第三册

8. 卫风·氓(节选) 《诗经》(15)
9. 秦风·无衣 《诗经》(15)
10. 邶风·静女 《诗经》(16)
11. 离骚(节选) 屈 原(17)

12. 孔雀东南飞(节选) 汉乐府(18)
13. 迢迢牵牛星 《古诗十九首》(20)
14. 短歌行..... 曹 操(21)
15. 归园田居..... 陶渊明(22)
16. 长歌行..... 汉乐府(23)
17. 梦游天姥吟留别..... 李 白(23)
18. 山居秋暝..... 王 维(25)
19. 登高..... 杜 甫(25)
20. 蜀相..... 杜 甫(26)
21. 石头城..... 刘禹锡(26)
22. 锦瑟..... 李商隐(27)
23. 书愤..... 陆 游(27)
24. 虞美人..... 李 煜(28)
25. 雨霖铃..... 柳 永(28)
26. 念奴娇·赤壁怀古..... 苏 轼(29)
27. 鹊桥仙..... 秦 观(29)
28. 声声慢..... 李清照(30)
29. 永遇乐·京口北固亭怀古.....
..... 辛弃疾(31)

30. 扬州慢……………姜 夔(31)
31. 渔翁……………柳宗元(32)
32. 闻乐天左降江州司马……元 稹(32)
33. 李凭箜篌引……………李 贺(33)
34. 过华清宫……………杜 牧(33)
35. 菩萨蛮……………温庭筠(34)
36. 浪淘沙……………李 煜(34)
37. 桂枝香·金陵怀古…………王安石(35)
38. 江城子……………苏 轼(35)
39. 苏幕遮……………周邦彦(36)
40. 一剪梅……………李清照(36)
41. 六国论……………苏 洵(37)
42. 游褒禅山记……………王安石(39)

第四册

43. 长亭送别(节选) ……王实甫(42)
44. 陈情表……………李 密(42)
45. 赤壁赋……………苏 轼(44)
46. 滕王阁序(节选) ……王 勃(47)

第五册

47. 咏柳……………贺知章(48)
48. 蜀道难……………李白(48)
49. 将进酒……………李白(50)
50. 兵车行……………杜甫(51)
51. 峨眉山月歌……………李白(52)
52. 春夜洛城闻笛……………李白(52)
53. 客至……………杜甫(53)
54. 旅夜书怀……………杜甫(53)
55. 登岳阳楼……………杜甫(54)
56. 齐桓晋文之事(节选) ……《孟子》(54)

第六册

57. 屈原列传(节选) ……司马迁(56)

注:文中加【 】的为高考预测内容,其中加“——”的为直通预测题,加“====”的为近年全国或各省高考题。



第一册

1. 邹忌讽齐王纳谏

《战国策》

邹忌修八尺有余，而形貌昳丽。朝服衣冠，窥镜，谓其妻曰：“我孰与城北徐公美？”其妻曰：“君美甚，徐公何能及君也！”城北徐公，齐国之美丽者也。忌不自信，而复问其妾曰：“吾孰与徐公美？”妾曰：“徐公何能及君也！”旦日，客从外来，与坐谈，问之客曰：“吾与徐公孰美？”客曰：“徐公不若君之美也。”明日，徐公来，孰视之，自以为不如；窥镜而自视，又弗如远甚。暮寝而思之，曰：“【吾妻之美我者，私我也；妾之美我者，畏我也；客之美我者，欲有求于我也。】”

于是人朝见威王，曰：“臣诚知不如徐公美。臣之妻私臣，臣之妾畏臣，臣之客欲有求于臣，皆以美于徐公。今齐地方千里，百二十城，宫妇左右莫不私王，朝廷之臣莫不畏王，四境之内莫不有求于王。由此观之，王之蔽甚矣！”

【王曰：“善。”乃下令：“群臣吏民，能面刺寡人之过者，受上赏；上书谏寡人者，受中赏；能谤讥于市朝，闻寡人之耳者，受下赏。”令初下，群臣进谏，门庭若市；数月之后，时时而间进；期年之后，虽欲言，无可进者。】

燕、赵、韩、魏闻之，皆朝于齐。此所谓战胜于朝廷。

2. 劝 学

《荀子》

君子曰：学不可以已。

【青，取之于蓝，而青于蓝；冰，水为之，而寒于水。】木直中绳，輮以为轮，其曲中规。虽有槁暴，不复挺者，輮使之然也。【故木受绳则直，金就砺则利，君子博学而日参省乎己，则知明而行无过矣。】

【吾尝终日而思矣，不如须臾之所学也；吾尝跂而望矣，不如登高之博见也。】登高而招，臂非加长也，而见者远；顺风而呼，声非加疾也，而闻者彰。假舆马者，非利足也，而致千里；假舟楫者，非能水也，而绝江河。君子生非异也，善假于物也。

积土成山，风雨兴焉；积水成渊，蛟龙生焉；积善成德，而神明自得，圣心备焉。

【故不积跬步，无以至千里；不积小流，无以成江海。骐驎一跃，不能十步；弩马十驾，功在不舍。】【锲而舍之，朽木不折；锲而不舍，金石可镂。】【蚓无爪牙之利，筋骨之强，上食埃土，下饮黄泉，用心一也。】蟹六跪而二螯，非蛇鳝之穴无可寄托者，用心躁也。

联想背诵法

先理解诗文的内容，在脑中构想诗文描绘的情景，或利用所配的图画，体会诗文所描绘的具体形象及所表达的思想感情进行背诵的方法。



第二册

3. 过秦论(节选)

贾 谊

及至始皇,奋六世之余烈,【振长策而御宇内,吞二周而亡诸侯,履至尊而制六合,执敲扑而鞭笞天下,威振四海。】南取百越之地,以为桂林、象郡;百越之君,俯首系颈,委命下吏。【乃使蒙恬北筑长城而守藩篱,却匈奴七百余里;胡人不敢南下而牧马,士不敢弯弓而报怨。】于是废先王之道,焚百家之言,以愚黔首;隳名城,杀豪杰;收天下之兵,聚之咸阳,销锋镝,铸以为金人十二,以弱天下之民。然后践华为城,因河为池,据亿丈之城,临不测之渊,以为固。良

将劲弩守要害之处，信臣精卒陈利兵而谁何。天下已定，始皇之心，自以为关中之固，金城千里，子孙帝王万世之业也。

始皇既没，余威震于殊俗。然陈涉瓮牖绳枢之子，氓隶之人，而迁徙之徒也；才能不及中人，非有仲尼、墨翟之贤，陶朱、猗顿之富；【蹶足行伍之间，而倔起阡陌之中，率疲弊之卒，将数百之众，转而攻秦；斩木为兵，揭竿为旗，天下云集响应，赢粮而景从。】山东豪俊遂并起而亡秦族矣。

且夫天下非小弱也，雍州之地，崤函之固，自若也。陈涉之位，非尊于齐、楚、燕、赵、韩、魏、宋、卫、中山之君也；锄耰棘矜，非铍于钩戟长铙也；谪戍之众，非抗于九国之师也；深谋远虑，行军用兵之道，非及向时之士也。然而成败异变，功业相反也。【试使山东之国与陈涉度长絜大，比权量力，则不可同年而语矣。】然秦以区区之地，

致万乘之势，序八州而朝同列，百有余年矣；然后以六合为家，崤函为宫；一夫作难而七庙隳，【身死人手，为天下笑者，何也？仁义不施而攻守之势异也。】

4. 兰亭集序

王羲之

永和九年，岁在癸丑，暮春之初，会于会稽山阴之兰亭，修禊事也。【群贤毕至，少长咸集。】此地有崇山峻岭，茂林修竹，又有清流激湍，映带左右。引以为流觞曲水，列坐其次，虽无丝竹管弦之盛，一觴一咏，亦足以畅叙幽情。是日也，天朗气清，惠风和畅。仰观宇宙之大，俯察品类之盛，所以游目骋怀，足以极视听之娱，信可乐也。

【夫人之相与，俯仰一世。或取诸怀抱，悟言一室之内；或因寄所托，放浪形骸

之外。】虽趣舍万殊，静躁不同，当其欣于所遇，暂得于己，快然自足，曾不知老之将至；【及其所之既倦，情随事迁，感慨系之矣。】向之所欣，俯仰之间，已为陈迹，犹不能不以之兴怀；况修短随化，终期于尽。古人云，“死生亦大矣。”岂不痛哉！

每览昔人兴感之由，若合一契，未尝不临文嗟悼，不能喻之于怀。【固知一死生为虚诞，齐彭殤为妄作。】后之视今，亦犹今之视昔，悲夫！故列叙时人，录其所述。【虽世殊事异，所以兴怀，其致一也。后之览者，亦将有感于斯文。】

集中背诵法

把要背诵的诗文当做一个整体，从头到尾反复学习、集中背诵。

5. 归去来兮辞

陶渊明

归去来兮！田园将芜胡不归？既自以心为形役，奚惆怅而独悲？【悟已往之不谏，知来者之可追。实迷途其未远，觉今是而昨非。】

舟遥遥以轻飏，风飘飘而吹衣。问征夫以前路，恨晨光之熹微。乃瞻衡宇，载欣载奔。僮仆欢迎，稚子候门。三径就荒，松菊犹存。携幼入室，有酒盈樽。引壶觞以自酌，眄庭柯以怡颜。倚南窗以寄傲，审容膝之易安。园日涉以成趣，门虽设而常关。策扶老以流憩，时矫首而遐观。【云无心以出岫，鸟倦飞而知还。】景翳翳以将入，抚孤松而盘桓。

归去来兮，请息交以绝游。世与我而

相违，复驾言兮焉求？悦亲戚之情话，乐琴书以消忧。农人告余以春及，将有事于西畴。或命巾车，或棹孤舟。既窈窕以寻壑，亦崎岖而经丘。【木欣欣以向荣，泉涓涓而始流。】善万物之得时，感吾生之行休。

已矣乎！寓形宇内复几时，曷不委心任去留？胡为乎遑遑欲何之？【富贵非吾愿，帝乡不可期。怀良辰以孤往，或植杖而耘耔。】登东皋以舒啸，临清流而赋诗。聊乘化以归尽，乐夫天命复奚疑？

6. 师 说

韩 愈

【古之学者必有师。师者，所以传道受业解惑也。】【人非生而知之者，孰能无惑？惑而不从师，其为惑也，终不解矣。】生乎吾前，其闻道也固先乎吾，吾从而师之；生乎